



Index Librorvm Prohibitorvm Alexandri VII

Alexander

Romae, 1667

XXXI. Feria V, die 13. Martij, Anno à Natiuitate D.N. Iesv Christi. MDCXXV.

[urn:nbn:de:hbz:466:1-81440](https://nbn-resolving.org/urn:nbn:de:hbz:466:1-81440)

nalis Millini præsens Decretum signatum, & munitum fuit, *Roma* 15. Februarij 1625.
Io. Garfia Card. Millinus.

Locus † sigilli.

Fr. Franciscus Magdalenus Capiferreus Ord. Præd. Secretarius.

XXXI.

Feria V, die 13. Martij, Anno à Natiuitate D. N. IESV Christi.

MDCXXV.

*In generali Congregatione S. R. & Vniuersalis Inquisitionis habita in Palatio Aposto-
lico in Vaticano coram S. D. N. D. Urbano diuina Providentia Papa VIII.*

ac Illustriss. & Reverendiss. DD. S. R. E. Cardinalibus, aduersus

hereticam prauitatem Inquisitoribus generalibus à sancta

Sede Apostolica specialiter deputatis.

SANCTISS. D. N. sollicitè animadvertens abusus, qui irrepserunt & quotidie irro-
pere non cessant in colendis quibusdam cum Sanctitatis aut Martyrij fama, vel
opinione defunctis: qui, & si neque Canonizationis, neque Beatificationis honore in-
signiti sint ab Apostolica Sede, eorum tamen Imagines in Oratorijs atque Ecclesijs,
alijsque locis publicis, ac etiam priuatis, cum laureolis, aut radijs, seu splendoribus pro-
ponuntur, miracula & reuelationes, aliaque beneficia à Deo per eorum intercessionem
accepta, in libris rerum ab ipsis gestarum enarrantur, & ad illorum sepulchra, tabellæ,
imagines & res aliæ ad beneficia accepta testificanda, & lampades & alia lumina
apponuntur. Volensque proinde huiusmodi abusibus, pro debito officij pastoralis oc-
currere, re etiam cum Illustriss. & Reuerendiss. DD. Cardinalibus, contra hæreticam
prauitatem in vniuersa Republica Christiana generalibus Inquisitoribus communi-
cata, & maturè considerata ac discussa, Declarauit, statuit & decreuit, ne quorumuis
hominum, cum Sanctitatis seu Martyrij fama (quantacumque illa sit) defunctorum
Imagines, aliaque prædicta, & quodcumque aliud venerationem & cultum præ se fe-
rens & indicans, in Oratorijs aut locis publicis seu priuatis, vel Ecclesijs tam sæcularibus,
quam regularibus, cuiuscumque Religionis, Ordinis, Instituti, Congregationis, aut So-
cietatis, apponantur antequam ab Apostolica Sede canonizentur, aut Beati delectentur,
& (si quæ appositæ sunt) amoueantur, prout eas statim amoueri mandauit. Ac pariter
imprimi de cætero inhiuit Libros eorumdem hominum, qui Sanctitatis siue Martyrij
fama vel opinione (vt præfertur) celebres & viri migrauerint, gesta, miracula, vel reuelationes,
seu quacumque beneficia, tanquam eorum intercessionibus à Deo accepta continentes,
sine recognitione atque approbatione Ordinarij, qui in iis recognoscendis,
Theologos aliosque pios ac doctos Viros in consilium adhibeat, & ne deinde fraus aut
error aut aliquid nouum ac inordinatum in re tam gravi committatur, negocium in-
structum ad Sedem Apostolicam transmittat, eiusque responsum expectet: Revela-
tiones verò & miracula, aliaque beneficia supradicta, quæ in Libris horum Hominum
vitæ & gesta continentibus, hætenus sine recognitione atque approbatione huius-
modi, impressa sunt, nullo modo approbata censi vult, mandatque sua Sanctitas. Ad
horum Hominum sepulchra vtriusque etiam ac inhiuit, Tabellas, Imagines, ex cera
aut argento seu ex alia quacumque materia, tam pictas quam fictas, atque exsculptas
appendi aut affigi, & lampades siue alia quæcumque lumina accendi, sine recognitione
ab Ordinario omnino, prout supra facienda, Sedique Apostolicæ referenda, ac pro-
banda. Declarans, quòd per suprascripta, præiudicare in aliquo non vult neque in-
tendit iis, qui aut per communem Ecclesiæ consensum, vel immemorabilem tempo-
ris cursum, aut per Patrum Virorumque Sanctorum scripta, vel longissimi temporis
scientia, ac tolerantia Sedis Apostolicæ, vel Ordinarij coluntur. Vt autem præmissa
diligentius obseruentur, vniuersis, ac singulis, tam Ordinariis, quam hæreticæ pravi-
tatis

vitatis Inquisitoribus districtè præcipit, ut in sua quisque Diocesi, vel Provincia sedulo pervigilent, ne sine approbationibus prædictis Imagines cum memoratis signis exponantur, aut miracula, revelationes, ac beneficia prædicta publicentur, aliaque contra superius disposita fiant. Transgressores verò, si Regulares fuerint, privationis, suorum officiorum, ac vocis activæ & passivæ, necnon & suspensionis à divinis: si vero Clerici sæculares, privationis pariter suorum officiorum, suspensionis à divinis, & ab administratione Sacramentorum, executioneque suorum ordinum respectivè aliisque arbitrio prædictorum Ordinariorum seu Inquisitorum pro modo culpe infligendis poenis plectendo. Qui autem Libros impresserint, aut Imagines pinxerint, seu sculperint quoquomodo, effinxerint, vel formaverint, ceterique Artifices circa præmissa qualitercumque delinquentes, prædicta omnia amittant, & insuper pecuniariis aliisque etiam corporalibus poenis, iuxta criminis gravitatem eorum dem Ordinariis seu Inquisitorum arbitrio infligendis. Contrariis quibuscunque non obstantibus. Et ne præmissorum ignorantia possit ab aliquo prætendi, voluit, ut Decretum huiusmodi seu illius exemplum, ad valvas Basilicæ Principis Apostolorum Urbis, ac in acie Campi Floræ affixum, omnes perinde arctet, atque afficiat, ac si vnicuique personæ intermatum fuisset. Quodque præsentium transumptis, etiam impressis, manu Notarij publici subscriptis, ac sigillo alicuius personæ in Ecclesiastica dignitate constitutæ munitis, eadem prorsus fides habeatur, quæ præsentibus haberetur, si forent exhibita, vel ostensa.

Io. Antonius Thomasius S. R. & universalis Inquisitor.

XXXII.

Feria 5, Die 18. Septembris MDCXXV.

In Generali Congregatione S. Romanæ, & Universalis Inquisitionis habita in Palatio Apostolico Montis Quirinalis coram Sanctiss. D. N. D. Urbano divina providentia Papa Octavio, ac Illustrissimis, & Reverendissimis DD. S. R. E.

Cardinalibus aduersus hereticam pravitatem Inquisitoribus Generalibus à sancta Sede Apostolica specialiter deputatis.

SANCTISSIMVS D. N. pro debito sui pastoralis officij corrigere volens abusus nonnullorum in Statu Sedi Apostolicæ mediare, vel immediate subiecto existentium, qui libros à se compositos extra præfatum Statum absque vlla Ordinariis & Inquisitorum loci ubi degunt, approbatione, imprimendos transmittunt: statuit & decrevit, ut in posterum nemo in Statu prædicto degens, cuiusvis conditionis, gradus, ordinis, & dignitatis existat, libros de quavis materia tractantes, & vbiicumque compositos audeat aliò deferre, vel mittere imprimendos sine expressa in scriptis approbatione Illustrissimi & Reverendissimi D. Cardinalis Sanctiss. D. N. Vicarij, & Magistri Sacri Palatii, si in Urbe; si verò extra Urbem existat, sine Ordinarij & Inquisitionis loci illius, siue ab iis depuratorum facultate & licentia operi præfigenda. Libros autem quos contra præsentis Decreti tenorem imprimi contigerit, præter alias poenas arbitrio suæ Sanctitatis infligendas, absque alia declaratione ex nunc prohibet, & pro expresse prohibitis haberi vult, & mandat. Contrariis quibuscunque non obstantibus, &c.

Io. Antonius Thomasius S. R. & universalis Inquisitor.

SACRE

INDICES
Librorum
PROHIBITORUM
E. V.
24.